

ANEXO I.

PREGO DE CONDICIÓN APLICABLES AO ALLEAMENTO DIRECTO DE DIVERSAS EMBARCACIÓN INCAUTADAS POR PORTOS DE GALICIA.

CONDICIÓN PRIMERA: OBXECTO E CUALIFICACIÓN.

Constitúe o obxecto do presente procedemento, o alleamento das embarcacións que se recollen no anexo V, no que se reflicte o nome, e de se-lo caso o folio da embarcación, o tipo de embarcación e ano de construción, o prezo, o porto onde se atopa depositada, e teléfono de contacto no porto.

Para o exame das embarcacións, así como para obter información sobre as mesmas durante o prazo de presentación de ofertas, poderá contactarse coas oficinas da Zona Norte de Portos de Galicia, sitas na Rúa Nicomedes Pastor Díaz, número 13 de Lugo (teléfono 982 82 84 23), en horario de 9 a 14 horas. Tamén poderá contactarse no mesmo horario, coas oficinas do porto respectivo indicadas no anexo V.

A incautación das embarcacións, agás que no anexo V se sinala o contrario, foi notificada aos organismos competentes que non comunicaron cargas o gravames aos que estean afectas as mesmas.

A participación neste procedemento, implica que o licitador coñece e acepta a situación actual existente das embarcacións, e renuncia por elo, no caso de resultar adxudicatario, a calquera reclamación, e en concreto, tanto ao saneamento por evicción como a reclamacións por vicios ocultos se os houbera.

O alleamento das embarcacións ten a cualificación de negocio xurídico privado.

CONDICIÓN SEGUNDA: RÉXIME XURÍDICO.

1.- As normas aplicables á presente poxa serán as previstas en:

- O presente prego.
- A Lei 6/2017, do 12 de decembro, de Portos de Galicia.
- O Real Decreto Lexislativo 2/2011 do 5 de setembro, polo que se aproba o texto refundido da lei de Portos do Estado e da Mariña Mercante.
- A Lei 5/2011, do 30 de setembro, do Patrimonio da Comunidade Autónoma de Galicia.
- A Lei 33/2003, de 3 de novembro, de Patrimonio das Administracións Públicas.
- A Lei 14/2014, de 24 de xullo, de navegación marítima.
- Decreto 50/1989, de 9 de marzo, que aproba o Regulamento de Patrimonio da Comunidade Autónoma de Galicia

2.- A participación implica a aceptación das bases do presente prego cos seus anexos e a declaración responsable de que o licitador reúne todas e cada unha das condicións esixidas no mesmo.



Contra os acordos e actos administrativos que se diten en relación aos actos preparatorios do procedemento, cabe a interposición de recurso de alzada ante a Presidencia de Portos de Galicia; contra os acordos e actos administrativos de adxudicación do ben que emite a Presidencia de Portos de Galicia cabe a interposición de recurso potestativo de reposición en vía administrativa ou de recurso contencioso administrativo.

3.- O presente prego ten carácter contractual.

CONDICIÓN SEGUNDA: PROCEDIMIENTO DE SELECCIÓN E ADJUDICACIÓN.

Por aplicación do establecido no artigo 79 en relación co artigo 77 da Lei 5/2011, de Patrimonio da Comunidade Autónoma de Galicia, a forma de adxudicación das embarcacións será o alleamento directo.

A convocatoria do presente procedemento de alleamento directo, publicarase no Diario Oficial de Galicia e na páxina WEB de Portos de Galicia; de así estimalo, procederase a publicar un anuncio nun diario de noticias con difusión a nivel do territorio de Galicia.

CONDICIÓN TERCEIRA: CAPACIDADE PARA CONCORRER AO PROCEDIMENTO.

1.- Poderán tomar parte no procedemento todas as persoas físicas e xurídicas, nacionais ou estranxeiras, que se atopen en plena posesión das súas capacidades xurídicas e de obrar, de acordo coas normas contidas no Código Civil sobre capacidade xeral para toda clase de contratos e en particular para celebrar o contrato de compravenda.

2.- Non poderán participar as persoas que solicitaran ou estean declaradas en concurso, foran declaradas insolventes en calquera procedemento, estean suxeitas a intervención xudicial ou foran inhabilitadas conforme á lei 22/2003, do 9 de xullo, concursal, así como os que incorresen nos supostos previstos na normativa sobre incompatibilidades.

Tampouco poderán concorrer as persoas que se atopen incluídas nalgún dos supostos de prohibición para contratar previstos na Lei de Contratos do Sector Público, o que tamén se recollerá a través da declaración responsable que se menciona no seguinte parágrafo.

3.- Os participantes deberán achegar para os efectos previstos nesta condición xunto coa Documentación Xeral, unha declaración responsable axustada ao modelo que se recolle no ANEXO III.

4.- Si se descubriera falsidade nesta declaración, se estará ao disposto na lexislación penal aplicable; si a falsidade houbera sido cometida polo adxudicatario, se acordará asemade a nulidade da adxudicación coa incautación da garantía depositada a favor de Portos de Galicia.



CONDICIÓN CUARTA: PRESENTACIÓN DE OFERTAS.

As persoas interesadas en participar formularán a súa oferta económica conforme ao modelo que figura no ANEXO II desta resolución dentro do prazo que se sinala no anuncio da convocatoria.

As ofertas, que se deben de formalizar de maneira individual para cada embarcación, se presentarán nun sobre pechado, no que figurará externamente o nome ou a razón social da persoa que licita, así como a referencia "VENDA DIRECTA DE EMBARCACIÓN", indicando o nome da embarcación, segundo figura na relación do anexo V.

O prezo mínimo de licitación que deberá de ser cuberto polas ofertas, é o que se recolle como prezo para cada unha das embarcacións no anexo V, tipo no que non se inclúen os gastos de todo tipo, fiscais, administrativos ou derivados do traslado da embarcación, que se xeren coa transferencia.

Para aqueles barcos que non teñan sinalado un tipo mínimo de licitación, o prezo que se oferte, que tampouco incluíra ningún dos gastos que se xeren coa transferencia, será libre.

O SOBRE DEBERÁ DE CONTER OS SEGUINTE DOCUMENTOS:

1.- DOCUMENTACIÓN QUE ACREDITE DE MANEIRA SUFICIENTE A PERSONALIDADE DE QUEN LICITE, E, NO SU CASO, DA SÚA REPRESENTACIÓN.

Si se trata de persoa física aportará copia do Documento Nacional de Identidade. Si se tratara de sociedades deberá aportarse copia autorizada ou testemuña da escritura de constitución e de modificación, no seu caso, debidamente inscrita no rexistro mercantil cando este requisito fora esixible conforme á lexislación mercantil que lle sexa aplicable. Si non o fora, a acreditación realizarase mediante copia da escritura ou documento de constitución, de modificación, estatutos ou acto fundacional, no que constaren as normas polas que se regula a súa actividade, inscritos no seu caso no correspondente rexistro oficial.

Os empresarios non españois de Estados Membros da Comunidade Europea ou signatarios do Acordo sobre o espazo económico europeo, acreditará a súa personalidade mediante a inscrición nun rexistro profesional ou comercial cando este requisito sexa esixido pola lexislación do Estado respectivo, en funcións dos diferentes contratos.

Os restantes empresarios non españois acreditarán a súa personalidade mediante certificación expedida pola respectiva representación diplomática española, na que se faga constar que figuran inscritas no rexistro local profesional, comercial ou análogo ou, no seu defecto, que actúan habitualmente no tráfico local no ámbito de actividades á que se estende o obxecto do contrato.

Os empresarios estranxeiros formularán na súa proposición, declaración solemne de someterse á xurisdición dos Xulgados e Tribunais españois de calquera orde para todas as incidencias que de modo directo ou indirecto puideran derivarse do contrato (anexo IV).

3.- Cando o licitador non actúe en nome propio, ou se trate dunha sociedade ou persoa xurídica, deberá de presentar copia compulsada ou autenticada do poder da persoa física ou xurídica a conta



da que se actúa debidamente bastantado, inscrito no rexistro correspondente si se trata dunha sociedade, e copia autenticada do DNI do apoderado.

4.- Certificados acreditativos de atoparse ao corrente no cumprimento das súas obrigas tributarias, estatais e autonómicas, e de Seguridade Social impostas polas disposicións vixentes. Os certificados poderán substituírse por unha declaración responsable de atoparse ao corrente no cumprimento das súas obrigas tributarias, estatais e autonómicas, e de Seguridade Social impostas polas disposicións vixentes, **PARA O QUE PODERÁ SEGUIRSE O MODELO DE DECLARACIÓN RESPONSABLE QUE SE XUNTA COMO ANEXO III A ESTE PREGO**, sen prexuízo da obriga de aportarse esta documentación con carácter previo a formalizarse a resolución de entrega.

Declaración responsable de non estar incurso en ningunha das circunstancias que incapacitan para contratar que se enumeran no artigo 71 da Lei 9/2017, do 8 de novembro, de Contratos do Sector Público, **PARA O QUE PODERÁ SEGUIRSE O MODELO DE DECLARACIÓN RESPONSABLE QUE SE XUNTA COMO ANEXO III A ESTE PREGO**.

2.- OFERTA ECONÓMICA AXUSTADA AO MODELO QUE FIGURA NO ANEXO II.

As ofertas deberán de presentarse dentro do prazo sinalado no anuncio da convocatoria, no rexistro xeral de Portos de Galicia, nos días e horas hábiles de oficina (de luns a venres de 9:00 a 14:00 horas), con enderezo na Praza de Europa 5-A, 6º, 15707 Santiago de Compostela, A Coruña, dirixidas ao Presidente de Portos de Galicia; poderán enviarse por correo administrativo (será requisito imprescindible que se trate dunha oficina prestadora do servizo postal universal), dentro do prazo de admisión indicado; neste caso, o licitador xustificará a data de imposición do envío na oficina de correos, e anunciará a Portos de Galicia o depósito da oferta mediante burofax (número de FAX 981 54 53 24) ou telegrama, no mesmo día e nun só envío.

Sen a concorrencia de ambos os dous requisitos, non serán admitidas as proposicións si son recibidas con posterioridade á data de terminación do prazo sinalado no anuncio. Transcorridos non obstante os dez días naturais seguintes á data indicada, sen terse recibido a proposición, está non será admitida en ningún caso.

CONDICIÓN QUINTA. GARANTÍA.

Non se esixirá ás persoas interesadas en participar, a constitución de garantía para a formulación da oferta, nin aboar aportación algunha para sufragar o anuncio da convocatoria do procedemento.

CONDICIÓN SEXTA: ADXUDICACIÓN, ABOAMENTO E RETIRADA DAS EMBARCACIÓNS

Unha vez finalizado o prazo para presentación de ofertas previsto na convocatoria, se anunciará na paxina WEB de Portos de Galicia, a data e hora de apertura pública das ofertas,



que terá lugar na sede dos Servizos centrais de Portos de Galicia sitos na Praza de Europa 5A-6º de Santiago de Compostela.

Se resolverá a adxudicación das embarcacións a favor das persoas que, cubrindo o tipo mínimo da licitación, formulen a mellor oferta económica.

No caso daquelas embarcacións que non teñan un prezo mínimo inicial de licitación, se resolverá a adxudicación das embarcacións a favor das persoas que formulen a mellor oferta económica, se ben, neste caso, Portos de Galicia se reserva o dereito a aceptar ou rexeitar, de maneira motivada, as ofertas presentadas.

Notificada a adxudicación, se deberá de proceder ao aboamento do pago do prezo ofrecido nun prazo de 10 días hábiles a contar dende o seguinte ao da recepción da notificación, mediante o ingreso no número de conta que a dito efecto se indique.

De non efectuarse o ingreso dentro do prazo indicado, se poderá efectuar unha nova adxudicación a favor do licitador ou licitadores seguintes a aquel, pola orde na que houberan quedado clasificados en función do prezo ofertado.

Efectuado o ingreso, pola Presidencia de Portos de Galicia se efectuará a resolución de alleamento directo da embarcación a favor do adquirente da mesma.

A resolución de alleamento, indicará o prazo no que se deberá de proceder a retirar a embarcación da zona de servizo do porto, ou, no seu caso, o lugar onde poderá ser trasladada dentro deste, en función do que informe a Zona Norte de Portos de Galicia.



ANEXO II

MODELO DE OFERTA ECONÓMICA

Don, con NIF número e domicilio en provincia de, rúa número, número de teléfono, no seu caso e-mail.....en nome.....(propio), (ou da empresa que representa) con C.I.F., enterado do anuncio publicado no DOG do día de de, e das condicións e requisitos que se esixen para participar no procedemento de alleamento directo de diversas embarcacións incautadas por Portos de Galicia, formula a seguinte oferta:

NOME DA EMBARCACIÓN	CANTIDADE EN LETRA SEN IVE.	CANTIDADE EN NÚMERO SEN IVE.

Así mesmo, acepta íntegramente as condicións recollidas nas bases do procedemento, e na resolución de convocatoria.

En....., a..... de de 2021.

(Sinatura e no seu caso selo do ofertante)

SRA. PRESIDENTA DE PORTOS DE GALICIA



ANEXO III.

MODELO DE DECLARACIÓN RESPONSABLE.

D. _____, con DNI _____
, actuando en (nome propio ou en representación de) _____
_____, CIF n.º _____

DECLARA BAIXO A SÚA RESPONSABILIDADE:

Que ten plena capacidade de obrar, e que nin el nin no seu caso a compañía á que representa e os seus administradores ou representantes, se atopan comprendidos en ningunha das causas de prohibición para contratar enumeradas no artigo 71 da Lei 99/2017, de 8 de novembro, de Contratos do Sector Público.

Así mesmo, declara que o empresario persoa física ou no seu caso a empresa persoa xurídica, se atopa ao corrente no cumprimento das obrigas tributarias coa Facenda Estatal, de non ter débedas de natureza tributaria coa Comunidade Autónoma de Galicia, e de atópase ao día no cumprimento das obrigas coa seguridade social.

En _____, a _____ de 2021.

(Data e sinatura do licitador)

SRA. PRESIDENTA DE PORTOS DE GALICIA.



ANEXO IV

MODELO DE DECLARACIÓN DE SOMETEMENTO AOS XULGADOS E TRIBUNAIS ESPAÑOIS DOS EMPRESARIOS ESTRANXEIROS.

D. _____, con DNI _____
, actuando en (nome propio ou en representación de) _____
_____, CIF n.º _____ con enderezo en _____
_____, teléfono _____ FAX _____
____ e correo electrónico _____, como licitador
no procedemento convocado para o alleamento directo de diversas embarcacións incautadas por
Portos de Galicia me comprometo en nome
_____ (nome propio ou da empresa a que
represento), en caso de resultar adxudicatario, a someterme á Xurisdición dos Xulgados e Tribunais
españois de calquera orde para todas as incidencias que de modo directo ou indirecto puideran
derivar da adxudicación e da entrega do buque, con renuncia no seu caso ao foro xurisdiccional
estranxeiro que puidera corresponderme.

En _____, a _____ de 2021.

(Data e sinatura do licitador)

SRA. PRESIDENTA DE PORTOS DE GALICIA.



ANEXO V.

RELACIÓN DE EMBARCACIONES.

1.- Embarcación "Logar", con folio 7ª-AT-6-2020-07.

Marca e modelo: CROWLINE 315 SCR.

Características: Eslora: 9,2 m. Manga: 2,9 m.

Tipo: Motor.

Motor: 2 motores de 300,56CV.

Data de 1ª matriculación/adquisición: 29/07/2009.

Prezo mínimo de licitación: 5.002,46 euros.

Incautación notificada a Mariña Mercante.

Depositada en seco no porto de Ribadeo (Lugo).

Tfno. de contacto no porto: 982 82 86 35.





2.- Embarcación "Arnelles", con folio 7ª-BA-2-2411-91.

Marca e modelo: JET BOATS CORONET 31

Características: Eslora: 9,60 m. Manga: 3,14 m.

Tipo: Motor.

Motor: 2 motores VOLVO PENTA-MD32 de 106CV.

Data de 1ª matriculación/adquisición: 01/01/1975.

Prezo mínimo de licitación: 3.928,67.

Incautación notificada a Mariña Mercante.

Depositada en seco no porto de Ribadeo (Lugo).

Tfno. de contacto no porto: 982 82 86 35.





3.- Embarcación "Rioja", con folio 7ª-ST-4-203-94.

Marca e modelo: Sen reseña.

Características: Eslora: 9,32 m. Manga: 2,70 m.

Tipo: Vela.

Motor: motor Volvo de 10 cv.

Data de construción: 1982.

Prezo mínimo de licitación: 4.054.

Incautación notificada a Mariña Mercante.

Depositada en seco no porto de Ribadeo (Lugo).

Tfno. de contacto no porto: 982 82 86 35.





4.- Embarcación "Tender of Vagabond", con folio 7ª-BA-4-19-92.

Marca e modelo: Sunseeker.

Características: Eslora: 11,88 m. Manga: 2,99 m.

Tipo: Motor.

Motor: Sen motor.

Data de 1ª matriculación/adquisición: 01/01/1987.

Prezo mínimo de licitación: 4.689,45.

Incautación notificada a Mariña Mercante.

Depositada en seco no porto de Burela (Lugo).

Tfno. de contacto no porto: 982 87 01 34.





5.- Embarcación "Felina I", con folio 7ª-BA-2-676-96.

Marca e modelo: Náutica Argus.

Características: Eslora: 4,91 m. Manga 1,82 m.

Tipo: Motor.

Motor: 1 motor fora borda Tohatsu de 50 cv.

Data de 1ª matriculación/adquisición: 01/01/1996.

Prezo mínimo de licitación: 747,32.

Incautación notificada a Mariña Mercante.

Depositada en seco no porto de Burela (Lugo).

Tfno. de contacto no porto: 982 87 01 34.

